

৪ ফেব্রুয়ারি ২০২০ইং

সংবাদ বিজ্ঞপ্তি

মাননীয় প্রধানমন্ত্রীর ২০১৯- nCoV নিয়ে বিশেষ সভা

গতকাল মন্ত্রী পরিষদের সভা শেষে মাননীয় প্রধানমন্ত্রীর সভাপতিত্বে ২০১৯- nCoV সংক্রমণ রোধে করণীয় নিয়ে বিশেষ সভা অনুষ্ঠিত হয়। উক্ত সভায় মাননীয় প্রধানমন্ত্রী কোনভাবেই বাংলাদেশে যেন ২০১৯- nCoV প্রবেশ করতে না পারে সেজন্য সবাইকে সতর্ক থাকার নির্দেশ প্রদান করেন।

আইইডিসিআর-এ সাংবাদিকদের অবহিতকরণ

সার্বিক পরিস্থিতি এবং চলমান কার্যক্রম অবহিত করণের জন্য আজ আইইডিসিআর এর মিলনায়তন কক্ষে একটি সংবাদ ব্রিফিং এর আয়োজন করা হয়। উক্ত সংবাদ ব্রিফিং এ বক্তব্য রাখেন আইইডিসিআর এর পরিচালক অধ্যাপক ডাঃ মীরজাদী সেব্রিনা ফ্লোরা। ব্রিফিং এ অধ্যাপক ডাঃ মীরজাদী সেব্রিনা ফ্লোরা ২০১৯- nCoV সংক্রান্ত সার্বিক পরিস্থিতি নিয়ে বক্তব্য রাখেন।

আগামীকাল থেকে প্রতিদিন দুপুর ১২টায় আইইডিসিআর-এ মিলনায়তনে সাংবাদিকদের বাংলাদেশে ২০১৯- nCoV পরিস্থিতি সম্পর্কে অবহিত করা হবে।

আজ দুপুরে মহাপরিচালক, স্বাস্থ্য অধিদপ্তরের সভাপতিত্বে ২০১৯- nCoV কাজের সাথে সংশ্লিষ্ট স্বাস্থ্য অধিদপ্তরের পরিচালকদের নিয়ে একটি সভা অনুষ্ঠিত হয়। উক্ত সভায় ২০১৯- nCoV সংক্রান্ত সার্বিক পরিস্থিতি পর্যালোচনা করা হয় এবং ২০১৯- nCoV কার্যক্রম আরো জোরদার করার সিদ্ধান্ত গ্রহণ করা হয়।

চীনের উহান থেকে আগত যাত্রীদের স্বাস্থ্য পরিস্থিতি

গতকাল রাতে আশকোনা কোয়ান্টাইন কেন্দ্র থেকে মাথব্যথা নিয়ে একজন উহান ফেরত যাত্রী হাসপাতালে ভর্তি হয়েছেন। তিনি ও জ্বর নিয়ে ইতিপূর্বে ভর্তি হওয়া আরো একজনের অবস্থা এখন পর্যন্ত স্থিতিশীল।

আশকোনা হাজী ক্যাম্পে অবস্থানরত সবাই সুস্থ আছেন। বাংলাদেশ সেনাবাহিনীর চিকিৎসকগণ ক্যাম্পে নিরলসভাবে কাজ করে যাচ্ছে এবং আশকোনা হাজী ক্যাম্পে অবস্থানরত নাগরিকদের জন্য নিয়মিতভাবে পর্যাপ্ত খাবার ও প্রয়োজনীয় অন্যান্য সামগ্রী সরবরাহ করা হচ্ছে।

ঝুঁকি সংযোগ (Risk Communication)

গতকাল হেল্থ ক্লাস্টার সভার সিদ্ধান্ত অনুযায়ী আজ বিকেলে আইইডিসিআর এর সম্মেলন কক্ষে রিস্ক কমিউনিকেশন নিয়ে Unicef, WHO সহ পার্টনারদের একটি সভা অনুষ্ঠিত হয়। উক্ত সভায় সিদ্ধান্ত হয় যে, সম্মিলিতভাবে রিস্ক কমিউনিকেশন বার্তা সমূহ তৈরী করা হবে এবং প্রচারের ব্যবস্থা করা হবে।

২০১৯-nCoV সংক্রান্ত সর্বশেষ পরিস্থিতিঃ (৪ ফেব্রুয়ারি ২০২০ইং)

বিষয়	২৪ ঘণ্টার সর্বশেষ পরিস্থিতি	গত ২১/০১/২০২০ থেকে অদ্যাবধি
এ পর্যন্ত বিমান বন্দরে চীন থেকে আগত স্কিনিংকৃত যাত্রীর সংখ্যা	৮৩৭	৬৭৮৯
স্কিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	০
আইইডিসিআর হটলাইনে মোট কলের সংখ্যা	২৯০	৮২১
আইইডিসিআর হটলাইনে ২০১৯-nCoV সংক্রান্ত মোট কলের সংখ্যা	২৬৬	৫৫৬
আইইডিসিআর এ আগত ২০১৯-nCoV সংক্রান্ত মোট সেবাগ্রহীতার সংখ্যা	৭	৩৯
২০১৯-- nCoV পরীক্ষা করা মোট নমুনার সংখ্যা	৪	৪৩
নিশ্চিতকৃত nCoVএর মোট রোগীর সংখ্যা	০	০

প্রয়োজনে আইইডিসিআর-এর হটলাইন নম্বর এ যোগাযোগ করুন :

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

প্রতিরোধে করণীয়

যদিও এখন পর্যন্ত বাংলাদেশে কোন ২০১৯-nCoV সংক্রমণ পাওয়া যায় নাই। তবে সতর্ক থাকা প্রয়োজন।
২০১৯-nCoV সংক্রমণের প্রতিরোধে করণীয় :

- ঘন ঘন সাবান ও পানি দিয়ে হাত ধুবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং প্রয়োজন ব্যতীত এ সময়ে বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০